

Här Mars di Bartolomeo
President vun der Deputéiertechamber
19, um Krautmaat
L-1728 Lëtzebuerg

Lëtzebuerg, den 26. Mäerz 2018

Här President,

sou wéi d'Chambersreglement et virgesäit, bieden ech lech, dës parlamentaresch Fro un den Här Minister fir bannenzeg Sécherheet weiderzeleeden.

Am Juli vum Joer 2016 koum et zu Lëtzebuerg zu schlëmme Iwwerschwemmungen. Virun allem d'Uertschafte Cruchten, Ermsdorf, d'Fiels, Nommern an de gesamten Aerenzdall ware mat engem héije Materialschued konfrontéiert. D'Regierung huet doropshin de Beträffene finanziell Hëllef vum insgesamt 30 Milliounen Euro zougesprach.

An deem Kontext géif ech dem Här Minister fir bannenzeg Sécherheet gär dës Froe stellen:

1. Kann den Här Minister confirméieren, datt déi 30 Milliounen Euro och effektiv un déi betraffe Léit ausbezueelt goufen? Gouf et dobäi Problemer?
2. Kann den Här Minister confirméieren, datt d'Opraum- a Sanéierungsarbechten no den Iwwerschwemmungen op eng fir déi betraffe Leit zefriddestellend Manéier ofgelaf sinn?
3. Wéi eng Schutzmoosname goufe bis elo getraff fir ze verhënneren, datt sou eng Katastroph nach eemol ka virkommen ?

Mat déiwem Respekt,



Fernand Kartheiser
Deputéierten